



Broj: 18-14-10126-12/16
Datum: 01.09.2016. godine

Na osnovu člana 70. Zakona o javnim nabavkama ("Službeni glasnik BiH", broj: 39/14), u skladu sa preporukom Komisije za provedbu postupka za javne nabavke "Nabavka vozila za potrebe Kantonalne uprave za inspeksijske poslove Zeničko-dobojskog kantona" od 23.08.2016. godine, direktor Kantonalne uprave za inspeksijske poslove Zeničko-dobojskog kantona d o n o s i

O D L U K U

o izboru najpovoljnijeg ponuđača za nabavku roba „Nabavka vozila za potrebe Kantonalne uprave za inspeksijske poslove Zeničko-dobojskog kantona“

1. Prihvata se preporuka Komisije za javnu nabavku iz Zapisnika broj: 14-14-10126-8/16 od 23.08.2016. godine, te shodno tome ugovor za javnu nabavku roba dodjeljuje ponuđaču Auto centar „Beganović“ d.o.o. Zenica, ponuda broj: 177/2016D od 08.08.2016. godine za ponuđenu cijenu od 119.600,58 KM bez PDV.
2. Ponuđač Auto centar „Beganović“ d.o.o. Zenica je dokaze o kvalificiranosti, u pogledu lične sposobnosti, koji su traženi tačkom 3.1. i 3.2. Tenderske dokumentacije u postupku javne nabavke „Nabavka vozila za potrebe Kantonalne uprave za inspeksijske poslove“ dostavio u sklopu same ponude. Uvidom u dostavljene dokumente, Komisija je utvrdila da ponuđač Auto centar „Beganović“ d.o.o. Zenica, ispunjava sve kvalifikacije tražene tenderskom dokumentacijom.
3. Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji.
4. Ova Odluka će se dostaviti ponuđaču koji je učestvovao u postupku javne nabavke, a shodno članu 71. stav (2) Zakona o javnim nabavkama.

O b r a z l o ž e n j e

Postupak nabavke pokrenut je Odlukom direktora Službe za zajedničke poslove Zeničko-dobojskog kantona o pokretanju postupka „Nabavka vozila za potrebe Kantonalne uprave za inspeksijske poslove Zeničko-dobojskog kantona“, broj: 14-14-10126/16 od 19.05.2016. godine, a na osnovu člana 6. stav 4. Pravilnika o uspostavljanju i radu komisije za nabavke (Službeni glasnik BiH, broj: 103/14) zaključen je Sporazum između Kantonalne uprave za inspeksijske poslove Zeničko-dobojskog kantona i Službe za zajedničke poslove Zeničko-dobojskog kantona, vezano za dalje provođenje postupka javne nabavke gore navedenih usluga.

Javna nabavka je provedena putem otvorenog postupka, sa predviđenim zaključivanjem ugovora do isporuke vozila, a procijenjena vrijednost javne nabavke bez PDV-a iznosi 128.147,75 KM.

Obavijest o nabavci objavljena je na portalu Agencije za javne nabavke dana 14.07.2016. godine, pod brojem: 771-1-1-8-3-7/16 i „Službenom glasniku BiH“ broj: 53/16 od 22.07.2016. godine.

Komisija za javnu nabavku, imenovana rješenjem direktora broj: 14-14-10126-1/16 od 15.06.2016. godine, blagovremeno je izvršila javno otvaranje ponuda, te pregled i ocjenu ponuda.

U Zapisniku o otvaranju ponuda od 16.08.2016. godine, konstatovano je da je u predviđenom roku prispjela jedna ponuda, ponuđača Auto centar „Beganović“ d.o.o. Zenica sa ponuđenom cijenom 119.600,58 KM bez PDV-a.

Nakon provedenog postupka provjere kvalifikacije ponuđača, a prema uslovima navedenim u tenderskoj dokumentaciji, utvrđeno je da ponuda, po svom obliku, sadržaju i potpunosti, ispunjava minimum zahtijevanih kvalifikacionih uslova koji su traženi predmetnom tenderskom dokumentacijom.

Na osnovu detaljnog uvida u predloženu ponudu ponuđača Auto centar „Beganović“ d.o.o. Zenica, te posebno nakon izvršenog poređenja visine predmetne ponude sa planiranim sredstvima za realizaciju predmetne nabavke, kao i detaljne analize predmetnog postupka javne nabavke, Komisija je konstatovala da je u predmetnom postupku javne nabavke osigurana stvarna konkurencija ponuđača i da je ponuda ponuđača Auto centar „Beganović“ d.o.o. Zenica, prihvatljiva u pravnom, ekonomskom i tehničkom smislu za ugovorni organ, te dala preporuku za zaključenje ugovora sa ponuđačem Auto centar „Beganović“ d.o.o. Zenica.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa.

Dostavljeno:

1x Ponuđač

1x Tenderska dokumentacija



DIREKTOR

Mirsada Silajdžić, dipl. ecc.



Broj: 18-14-10752-11/16
Zenica, 01.09.2016. godine

Na osnovu člana 70. stav (1), (4) i (6) i člana 69. stav (1) tačka b) i stav (2) tačka d) Zakona o javnim nabavkama ("Službeni glasnik BiH", broj: 39/14), u skladu sa preporukom Komisije za provedbu postupka javne nabavke od 22.08.2016. godine, direktor Kantonalne uprave za inspeksijske poslove Zeničko-dobojskog kantona, d o n o s i

ODLUKU

o poništenju postupka javne nabavke usluge

„Nabavka usluge održavanja aplikacije E-inspektor za potrebe Kantonalne uprave za inspeksijske poslove Zeničko-dobojskog kantona“

Član 1. (Predmet)

Poništava se postupak javne nabavke po Konkurentskom zahtjevu za dostavu ponuda u predmetu broj: 14-14-10752/16, objavljen na portalu javnih nabavki pod broj: 771-7-2-7-3-6/16 od 14.07.2016. godine, koji se odnosi na nabavku usluge održavanja aplikacije E-inspektor za potrebe Kantonalne uprave za inspeksijske poslove Zeničko-dobojskog kantona iz razloga što zaprimljena ponuda nije prihvatljiva.

Član 2. (Objava Odluke)

Ova Odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđaču koji je učestvovao u postupku javne nabavke u skladu sa članom 70. stav (2) i (6) Zakona o javnim nabavkama.

Član 3. (Stupanje na snagu)

Ova Odluka stupa na snagu danom donošenja.

O b r a z l o ž e n j e

Postupak nabavke pokrenut je Odlukom direktora Službe za zajedničke poslove Zeničko-dobojskog kantona o pokretanju postupka "Nabavke usluge održavanja aplikacije E-inspektor za potrebe Kantonalne uprave za inspeksijske poslove Zeničko-dobojskog kantona", broj:14-14-10752/16 od 31.05.2016. godine, a na osnovu člana 6. stav 4. Pravilnika o uspostavljanju i radu komisije za nabavke (Službeni glasnik BiH, broj: 103/14) zaključen je Sporazum između Kantonalne uprave za inspeksijske poslove Zeničko-dobojskog kantona i Službe za zajedničke poslove Zeničko-dobojskog kantona, vezano za dalje provođenje postupka javne nabavke gore navedenih usluga.

Javna nabavka je provedena po konkurentskom zahtjevu za dostavljanje ponuda u skladu sa članom 88. Zakona o javnim nabavkama Procijenjena vrijednost javne nabavke bez PDV-a je 8.547,01 KM. Ugovorni organ je

objavio obavještenje i tendersku dokumentaciju na portalu javnih nabavki broj: 771-7-2-7-3-6/16 dana 14.07.2016.godine.

Komisija za provođenje postupka javne nabavke, koja je imenovana rješenjem broj: 14-14-10752-1/16 od 15.06.2016. godine, blagovremeno je izvršila javno otvaranje ponuda, te pregled i ocjenu ponuda i zapisnikom od 22.08.2016. godine, konstatovala da je u predviđenom roku prispjela samo 1 (jedna) ponuda, ponuđača "PROCOT" d.o.o. Gračanica.

Nakon pregleda i ocjene ponude naprijed navedenog ponuđača, Komisija je utvrdila da pristigla ponuda nije prihvatljiva u ekonomskom smislu, zbog visine ponude koja je znatno veća od planiranih, odnosno osiguranih sredstava za navedenu nabavku. Komisija je dala preporuku za donošenje odluke o poništenju postupka javne nabavke "Nabavka usluga održavanja aplikacije E-inspektor za potrebe Kantonalne uprave za inspeksijske poslove Zeničko-dobojskog kantona.

Na osnovu svega navedenog, a u skladu sa članom 69. stav (2) tačka e) Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa.

Dostavljeno:

1x Ponuđač

1x Tenderska dokumentacija



DIREKTOR

Mirsada Silajdžić, dipl. ecc.